


# Mbidi dzi wana mavhalā adzo



Kalekale mbidi dzothē  
dzo vha dzi na muvhala  
mutshena.





Zwino linwe duvha  
mukalaha Vho Mbidi na  
mufumakadzi wavho vha  
rambiwa tshimimani.


Vha tama uri vha vhonwe  
vho naka lwe vha mbo di  
dipennda nga mivhala i no  
vatamedza.






Vha dilavhelesalavhelesa,  
Mufumakadzi Vho Mbidi vha  
mbo di ri, "Ngoho heyi mivhala  
a i vhuyi ya ita, a ro ngo naka!"  
mukalaha Vho Mbidi na vhone  
vha zwi tenda.

Mufumakadzi Vho Mbidi  
vha humbula u pennda khana  
yavho ya vha ntswu, ngeno  
mukalaha Vho Mbidi vho  
pennda milenzhe yavho  
ya murahu ya vha mitswu.





Fhedzi vha di vhona vha so ngo  
naka lwe vha fhedza vho kupula  
ila pennde vha tamba.

Vha humbula u penndana vha  
tshi ita mavhala matswu hothe  
mivhilini.

Vho no fhedza u penndana, vha  
lavhelesana vha takadzwa nga  
zwine vha khou vhona. "Zwino ro  
nakavho," ndi vhone vha tshi amba.

Vha mbo takuwa vha livha  
tshimimani, vhatuada vha sa  
tongi zwone.



Musi mukalaha na Mufumakadzi  
Vho Mbidi vha tshi swika  
tshimimani, phukha dzothé dza  
kanuka mbonalo yavho.


"No naka hani vhoiwe," ndi  
ndou i no ralo.

"Vhoiwe no dinakela ngoho,"  
ndi mvuvhu i no ralo.

"Vhoiwe ni tou penya ngoho,"  
ndi tshugulu i no ralo.

"Ro livhuha" hu amba mukalaha  
na mufumakadzi Vho Mbidi.

"Na riñe mavhala ashu a  
a ri takadza!"




Muňwe na muňwe afho  
tshimimani o pfa a tshi  
takadzwa nga mavhala  
avho.

Mufumakadzi Vho Thuda  
vha vhudza Mufumakdzi  
Vho Mbidi uri mavhala a  
a vha fanela vhukuma.

Na Thovhele Vho Ndau  
vha di zwi amba uri  
avha vhavhili vho naka.






Thovhele Vho Ndau vha mbo  
zwa vha dzinginya uri mbidi  
dzot̄he dza shango dzi dipennde  
nga mavhala matswu. Vhunga  
Vho Ndau vhe vhone thovhele,  
mbidi dzot̄he dza thevhedza  
ndaela iyi.






Nga murahu ha maɖuvha a si  
manzhi, mbiɖi dza humbula u ya  
u ʈamba mavhala mulamboni  
fhedzi mavhala a hana u bva.

Zwi khou itiswa nga mini? Ndi  
nge ɖuvha la vha lo no ita uri  
mavhala a dombele mivhilini ya  
mbidi.



U swika na namusi, mbidi  
dzi kha di balelwa u tanzwa  
mavhala adzo matswu!

Ndi ngazwo mbidi dzothe  
dze kale dza vha dzi  
tshena, dzi na mavhala  
matswu!



# Mbidana ḫhuku dza ṭahe



Mbidana nthihi wee; dzadza phinimini dzadza.

Mbidana mbili wee; dzadza phinimini dzadza.

Mbidana tharu wee; dzadza phinimini dzadza.

Mbidana nna wee; dzadza phinimini dzadza.

Mbidana ḫhanu wee; dzadza phinimini dzadza.

Mbidana dza rathi wee; dzadza phinimini dzadza.

Mbidana dza sumbe wee; dzadza phinimini dzadza.

Mbidana dza malo wee; dzadza phinimini dzadza.

Mbidana dza ṭahe wee; dzadza phinimini dzadza.

Dzi gada dzi tshi pfunya; dzadza phinimini dzadza

Mbidana dza ṭahe wee; dzadza phinimini dzadza.

Mbidana dza malo wee; dzadza phinimini dzadza.

Mbidana dza sumbe wee; dzadza phinimini dzadza.

Mbidana dza rathi wee; dzadza phinimini dzadza.

Mbidana ḫhanu wee; dzadza phinimini dzadza.

Mbidana nna wee; dzadza phinimini dzadza.

Mbidana tharu wee; dzadza phinimini dzadza.

Mbidana mbili wee; dzadza phinimini dzadza.

Mbidana nthihi wee; dzadza phinimini dzadza.

Dzi gada dzi tshi pfunya; dzadza phinimini dzadza.



Tsivhudzo ya mudededzi:

Kha lu imbiwe sa lwa  
Fuyu ḫa mme anga.



- Mbidi iñwe na iñwe i na phetheni yayoya mavhala matswu na matshena.
- Mbidi dzi na mitshila milapfu (50 cm).
- Mbidi dzi edela dzo ima.
- Mbidi dzi la hatsi.



Mavhalambidi (hu no pfuka vhaendanganayo) ndi dzina li no edzisela mavhala matswu na matshena a mbidi.



Mbidi ndi mashaka a bere na donngi.

# Nyito dza u vhala nga zwigwada



I

Vhalelani khonani ya<sup>ñu</sup> mafhungo aya. Zwino a vhaleni hafhu a tshi tevhekana nga ngona.

- a. Mbidi dzot<sup>he</sup> dza dipennda mivhili yadzo nga mavhala matswu.
- b. Na Thovhele Vho Ndau vha di zwi ambavho uri avha vhavhili vho naka.
- c. Mukalaha na Mufumakadzi Vho Mbidi vha dipennda nga mivhala yo fhambananaho vha kona u dipennda mavhala matswu.
- d. Duvha lo ita uri mavhala a dombele mivhilini ya mbidi lwe zwa kond<sup>a</sup> u a bvisa nga madi.
- e. Mukalaha na Mufumakadzi Vho Mbidi vho vha vha tshi tod<sup>a</sup> u vha vho naka musi vha tshi ya tshimimani tshe vha rambiwa khatsho.
- f. Phukha dzot<sup>he</sup> dzo pfa dzi tshi takadzwa nga mavhala avho.
- g. Ndi ngazwo mbidi dzi na mavhala matswu.



2

Itani litambwa nga tshit̄ori itshi.




3

Vhalani mbudziso ni talutshedze khonani yanu phindulo dzadzo.

- a. Thoho ya tshit̄ori ndi ifhio?
- b. Vhaanewa vhahulwane tshit̄orini itshi ndi vhonnyi?
- c. Vho ita mini uri vha dishandukise?
- d. Dziñwe phukha dzo humbula zwifhio nga u dishandula uhu?
- e. No diphina nga tshit̄ori?

Bulani mbuno nthihi i no tikedza phindulo yanu.





4

Kopololani na u fhedzisa thebulu iyi  
buguni yanu ya ndowedzo.

- a. Wanani maipfi a re tshit̄orini itshi a re na  
mibvumo i tevhelaho ni a nwale.

|       |     |     |
|-------|-----|-----|
| mb-   | lw- | dz- |
| -nnd- | ee  | ou  |

- b. Wanani ipfi la luambo lwa musanda line la amba  
u amba.
- c. Wanani mafhungo tshit̄orini itshi ane a vha na  
khoma , tshiga tsha u awela . tshigagarukela !  
A nwaluleni buguni yanu ya ndowedzo.



5

Nwalululani itshi tshit̄ori ni tshi shumisa  
maipfi anu. Nwalani phara nthihi ya  
maipfi a no swika mat̄anu.